



Nr. \_\_\_\_\_ Prot.

Tiranë, më \_\_\_\_/\_\_\_\_/2017

## **FTESË PËR NEGOCIATA**

### **Drejtuar: Organeve të masmedias/Agjencive të Specializuara**

Instituti i Sigurimeve Shoqërore, ka parashikuar botimin e një suplementi informues me kohëzgjatje 1 (një) ditë, ku do të sqarohet mënyra sesi po realizohet indeksimi i pensioneve të bazuara në VKM nr. 130, datë 22.02.2017.

Mbështetur në VKM nr. 1195, datë 05.08.2008 “Për blerjen, zhvillimin, prodhimin dhe bashkëprodhimin e programeve të reklamave për transmetim nga operatorët radiotelevizivë ose botim në median e shkruar dhe për kontratat për kohë transmetimi nga organet e administratës shtetërore”, Instituti i Sigurimeve Shoqërore zhvillon procedurën (për negociata) për botimin e këtij suplementi në gazetën me tirazhin më të madh në vend me objekt: “Sqarim lidhur me indeksimin e pensioneve”, bazuar në VKM nr. 130, datë 22.02.2017.

### **OBJEKTI I SUPLEMENTIT**

**Objekti i botimit të suplementit do të jetë:** “Sqarim lidhur me indeksimin e pensioneve”, bazuar në VKM nr. 130, datë 22.02.2017.

**Nevoja për kryerjen e programit:** Prodhim suplementi me qëllim: “Sqarim lidhur me indeksimin e pensioneve”, bazuar në VKM nr. 130, datë 22.02.2017.

**Shpeshtësia e shfaqjes së reklamës:** 1 (një) herë.

**Numri i faqeve:** 6 (gjashtë) faqe të plota, në mes të gazetës, me mundësi shkëputjeje nga lexuesi.

**Periudha e realizimit të reklamës:** gjatë ditëve të javës.

**Fondi limit i përcaktuar:** 650 (gjashtëqindpesëdhjetë mijë) lekë, pa TVSH.

**Afati i fundit** për paraqitjen e konfirmimeve nga media e shkruar është deri më datë 10. 03. 2017, ora 11.00, pranë Institutit të Sigurimeve Shoqërore.

**Konfirmimet për vazhdimësinë e negociatave:** Konfirmimet duhet të vijnë të gjitha në një ditë të vetme, të mbyllura në zarf j transparent, të firmosur dhe vulosur në emrin dhe adresën e subjektit dhe me shënimin: **“MOS E HAPNI, ME PËRJASHTIM TË RASTEVE KUR ËSHTË I PRANISHËM KOMISIONI I VLERËSIMTI TË OFERTAVE, DHE JO PARA DATËS 10.03.2017, ORA 11.00”**

Në rast të kundërt ato do të refuzohen dhe do të kthehen të pahapura.

Rrjedhimisht, jeni të lutur të paraqisni pranë autoritetit tonë kontraktor:

**Emri:** INSTITUTI I SIGURIMEVE SHOQËRORE  
**Adresa:** Rr. Durrësit, nr. 83, Tirane  
**Tel/Fax:** 042 227 850  
**Adresa e Internetit:** www.issh.gov.al  
**Në emër të:** Komisionit për Ndjekjen e Procedurave për botimin e suplementit në median e shkruar  
**E-mail** mzenelaj@issh.gov.al

**Gjuha(-ët) për hartimin e ofertave janë:**

Shqip  Anglisht  
Tjetër \_\_\_\_\_

**Termet e Referencës:**

Qëllimi i këtij suplementi është sqarimi i të gjithë pensionistëve lidhur me vendimin dhe efektet për indeksimin e pensioneve.

Duke iu referuar interesimit të madh të qytetarëve lidhur me mënyrën se si do të kryhet kjo procedurë, ISSH do të kërkojë përmes gazetës me tirazhin më të madh dhe me mundësinë e përhapjes përmes faqes online, të procedurave të miratuara në VKM nr. 130 datë 22.02/2017.

Në suplement duhet të përfshihen procedurat e përllogaritjes, përfituesit dhe të gjitha afatet e përfitimeve.

Botimi duhet të jetë në gazetën me përhapjen sa më të gjerë dhe me publikim edhe në faqen online.

Në prodhimin e suplementit ISSH ofron materialin, ndërkohë që dizenjimi, ilustrimi me fotot përkatëse dhe redaktimi i materialit, që do të botohet, janë detyrim i stafit të gazetës.

Gazeta do të konsultojë titujt me Drejtorinë e Marrëdhënieve me Publikun dhe Median në ISSH.

## **INFORMACIONE APO KËRKESA SHITESË:**

### **Dokumentacioni ligjor që duhet paraqitur si kriter kualifikues:**

1. Një dokument që vërteton se (subjekti juaj):

- a. nuk është në proces falimentimi (statusi aktiv);
- b. nuk është dënua për shkelje penale, në përputhje me Nenin 45/1 të LPP;
- c. nuk është dënua me vendim të gjykatës së formës së prerë, që lidhet me aktivitetin e profesional.

Kërkesat si më sipër, plotësohen me dorëzimin e Ekstraktit mbi Historikun e Subjektit, të lëshuara nga Qendra Kombëtare e Regjistrimit, si dhe vetëdeklarimin e subjektit “Deklaratë mbi Gjendjen gjyqësore”.

Në rastin kur kandidati/ofertuesi është një organizatë jofitimprurëse, në vend të Ekstraktit mbi Historikun e Subjektit, do të paraqitet vendimi i Gjykatës për regjistrimin si person juridik, sipas Ligjit nr.8788, datë 07.05.2001 “Për Organizatat jofitimprurëse”.

2. Një dokument që vërteton se (subjekti juaj):

- a. ka plotësuar detyrimet fiskale;
- b. ka paguar të gjitha detyrimet e sigurimeve shoqërore, të lëshuara nga administrata tatimore.

Kriteret e përgjithshme për pranim, nuk duhet të ndryshohen nga autoritetet kontraktore. Këto kritere (pikat 1,2) duhet të vërtetohen përmes dokumentave të lëshuara, jo më parë se tre muaj nga dita e hapjes së ofertës.

3. Një vërtetim që konfirmon shlyerjen e të gjitha detyrimeve të maturuara të energjisë elektrike, të kontratave të energjisë që ka operatori ekonomik, që është i regjistruar në Shqipëri. Mosshlyerja e detyrimeve të energjisë elektrike përbën shkak për skualifikimin e operatorit ekonomik, përveç rastit kur rezulton se detyrimet e papaguara të energjisë elektrike, të konfirmuara në vërtetimin e lëshuar nga furnizuesi, janë në proces ankimi në gjykatë.
  4. Ofertën, ku të jetë specifikuar oferta për botim në median e shkruar.
  5. Shërbime të së njëjtës natyrë, të realizuara gjatë dy viteve të fundit, për këtë të paraqitet kontratë dhe vërtetim realizimi dhe /ose faturë tatimore.
  6. Deklaratë mbi Konfliktin e Interesit
- Përzgjedhja e ofertave do të bëhet sipas pikës nr. 7 dhe 12, të VKM nr. 1195, datë 05.08.2008.

**Kriteret e vlerësimit:**

- Tirazhi më i lartë dhe me shpërndarje në të gjithë vendin;
- Dokumentacioni ligjor i paraqitur nga organet e masmedias.
- Çmimi më i ulët, i ofruar nga organi i masmedias.

**Vlerësohet me 50 pikë tirazhi më i lartë, ku përfshihet edhe faqja online.**

**Vlerësohet me 30 pikë dokumentacioni ligjor i paraqitur.**

**Vlerësohet me 20 pikë çmimi i ofruar nga organi i masmedias/agjencia e specializuar.**

Oferta ekonomike do të jetë e paraqitur në lekë, pa TVSH.

Ofertuesit kanë të drejtë të marrin pjesë në procesin e hapjes së ofertave, përfaqësuesit apo personat me autorizim.

Ofertat duhet të jenë të mbyllura në zarf, të vulosura dhe do të dorëzohen nga përfaqësuesit e shoqërive zyrtarisht pranë Institutit të Sigurimeve Shoqërore, Zyra e Protokollit, kati i parë, para orës së përcaktuar.

Komisioni nuk do të pranojë asnjë ofertë e cila do të dorëzohet tej afatit të përcaktuar dhe jo në përputhje me kërkesat e mësipërme. Dokumentacioni i duhet të paraqitet original ose kopje e noterizuar e tyre.

Këtë ftesë për negociata mund ta gjeni dhe në faqen e internetit të Institutit të Sigurimeve Shoqërore, ne adresën: [www.issk.gov.al](http://www.issk.gov.al)

**Jemi në pritje të konfirmimit tuaj për negociim.**